

## FRAMKVÆMDARÁKVÖRÐUN FRAMKVÆMDASTJÓRNARINNAR

2017/EES/10/52

frá 23. nóvember 2012

um viðurkenningu á áætluninni Roundtable on Sustainable Palm Oil RED til að sýna fram á að viðmiðunum um sjálfbærni samkvæmt tilskipunum Evrópuþingsins og ráðsins 98/70/EB og 2009/28/EB hafi verið fylgt

(2012/722/ESB) (\*)

FRAMKVÆMDASTJORN EVROPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB<sup>(1)</sup>, einkum 6. mgr. 18. gr.,

með hliðsjón af tilskipun Evrópuþingsins og ráðsins 98/70/EB frá 13. október 1998 um gæði bensíns og díseldsneytis<sup>(2)</sup>, eins og henni var breytt með tilskipun 2009/30/EB<sup>(3)</sup>, einkum 6. mgr. 7. gr. c,

að höfðu samráði við ráðgjafarnefndina sem komið var á fót með 2. mgr. 25. gr. tilskipunar 2009/28/EB,

og að teknu tilliti til eftirfarandi:

- 1) Mælt er fyrir um viðmiðanir um sjálfbærni fyrir lífoldsneyti bæði í tilskipun 98/70/EB og 2009/28/EB. Ákvæði 7. gr. b, 7. gr. c í tilskipun 98/70/EB og IV. viðauka við hana eru svipuð ákvæðum 17. og 18. gr. tilskipunar 2009/28/EB og V. viðauka við hana.
- 2) Þegar telja skal lífoldsneyti og fljótandi lífoldsneyti með, að því er a-, b- og c-lið 1. mgr. 17. gr. tilskipunar 2009/28/EB varðar, ættu aðildarríkin að krefjast þess að rekstraraðilar sýni að viðmiðanirnar um sjálfbærni fyrir lífoldsneyti og fljótandi lífoldsneyti, sem settar eru fram í 2.–5. mgr. 17. gr. tilskipunar 2009/28/EB, hafi verið uppfylltar.
- 3) Í 76. forsendu tilskipunar 2009/28/EB segir að koma skuli í veg fyrir að ósanngjörn byrði sé lögð á iðnaðinn og að valfrjálsar áætlanir geti stuðlað að framsetningu skilvirkra lausna til að sýna fram á að þessar viðmiðanir um sjálfbærni séu uppfylltar.
- 4) Framkvæmdastjórnin getur ákveðið að valfrjáls landsbundin eða alþjóðleg áætlun skuli sýna að lífoldsneytisendingar uppfylli viðmiðanir um sjálfbærni, sem eru settar fram í 3.–5. mgr. 17. gr. tilskipunar 2009/28/EB, eða að valfrjáls landsbundin eða alþjóðleg áætlun um mælingar á minnkun losunar gróðurhúsalofttegunda innihaldi nákvæm gögn að því er 2. mgr. 17. gr. þessarar tilskipunar varðar.

- 5) Framkvæmdastjórnin getur viðurkennt slíka valfrjálsa áætlun til fimm ára.
- 6) Þegar rekstraraðili leggur fram sannanir eða gögn, sem aflað er í samræmi við valfrjálsa áætlun sem framkvæmdastjórnin hefur viðurkennt, að því marki sem þau falla undir þá ákvörðun um viðurkenningu, skal aðildarríki ekki krefjast þess að birgir leggi fram frekari gögn sem sýna fram á að viðmiðanirnar um sjálfbærni hafi verið uppfylltar.
- 7) Áætlunin um „Roundtable on Sustainable Palm Oil RED“ var lögð fram til framkvæmdastjórnarinnar 10. febrúar 2012 ásamt beiðni um viðurkenningu. Áætlunin nær yfir afurðir að stofni til úr pálmaolíu. Gera ætti viðurkenndu áætlunina aðgengilega á gagnsæisvettvanginum sem var komið á fót samkvæmt tilskipun 2009/28/EB. Framkvæmdastjórnin ætti að taka tillit til þátta sem eru viðkvæmir í viðskiptalegu tilliti og getur ákveðið að birta einungis hluta áætlunarinnar.
- 8) Mat á áætluninni „Roundtable on Sustainable Palm Oil RED“ sýndi að hún tekur með fullnægjandi hætti til viðmiðana um sjálfbærni í 7. gr. b (3., 4. og 5. mgr.) í tilskipun 98/70/EB og 17. gr. (3., 4. og 5. mgr.) tilskipunar 2009/28/EB, auk þess sem beitt er aðfangakeðjuaðferð í samræmi við kröfur 7. gr. c (1. mgr.) í tilskipun 98/70/EB og 18. gr. (1. mgr.) tilskipunar 2009/28/EB.
- 9) Í mati á „Roundtable on Sustainable Palm Oil RED“-áætluninni kom fram að hún uppfyllir með fullnægjandi hætti kröfur um áreiðanleika, gagnsæi og óháða endurskoðun og uppfyllir einnig aðferðafræðilegar kröfur í IV. viðauka við tilskipun 98/70/EB og V. viðauka við tilskipun 2009/28/EB.
- 10) Aðrir viðbótarþættir um sjálfbærni sem áætlunin „Roundtable on Sustainable Palm Oil RED“ nær til eru ekki hluti af umfangunarefni þessarar ákvörðunar. Þessir viðbótarþættir um sjálfbærni eru ekki skyldubundnir til að sýna fram á að farið sé að kröfum um sjálfbærni sem kveðið er á um í tilskipun 98/70/EB og 2009/28/EB.
- 11) Áætlunin „Roundtable on Sustainable Palm Oil RED“ var metin á grundvelli gildandi lögjafar á þeim tíma sem þessi framkvæmdarákvörðun framkvæmdastjórnarinnar var samþykkt. Ef gerðar eru breytingar á lagagrundvellingum sem skipta máli leggur framkvæmdastjórnin mat á áætlunina með það fyrir augum að ákvarða hvort áætlunin taki enn með fullnægjandi hætti til viðmiðana um sjálfbærni sem liggja að baki viðurkenningu hennar.
- 12) Ráðstafanirnar, sem kveðið er á um í þessari ákvörðun, eru í samræmi við álit nefndarinnar um sjálfbærni lífoldsneytis og fljótandi lífoldsneytis.

(\*) Þessi ESB-gerð birtist í Stjtið. ESB L 326, 24.11.2012, bls. 53. Hennar var getið í ákvörðun sameiginlegu EES-nefndarinnar nr. 26/2016 frá 5. febrúar 2016 um breytingu á II. viðauka (Tæknilegar reglugerðir, staðlar, prófanir og vottun) og IV. viðauka (Orka) við EES-samninginn, biður birtingar.

<sup>(1)</sup> Stjtið. ESB L 140, 5.6.2009, bls. 16.

<sup>(2)</sup> Stjtið. EB L 350, 28.12.1998, bls. 58.

<sup>(3)</sup> Stjtið. ESB L 140, 5.6.2009, bls. 88.

## SAMÞYKKT ÁKVÖRDUN ÞESSA:

*1. gr.*

Valfrjálsa áætlunin „Roundtable on Sustainable Palm Oil RED“, en beiðni um viðurkenningu hennar var lögð fyrir framkvæmdastjórnina 10. febrúar 2012, sýnir að lífildsneytis-sendingar uppfylla viðmiðanir um sjálfbærni eins og mælt er fyrir um í 3., 4. og 5. mgr. 17. gr. tilskipunar 2009/28/EB og 3., 4. og 5. mgr. 7. gr. b í tilskipun 98/70/EB. Áætlunin inniheldur einnig nákvæm gögn að því er varðar 2. mgr. 17. gr. tilskipunar 2009/28/EB og 2. mgr. 7. gr. b í tilskipun 98/70/EB.

Heimilt er að nota valfrjálsu áætlunina „Roundtable on Sustainable Palm Oil RED“ til að sýna fram á að ákvæði 1. mgr. 7. gr. c í tilskipun 98/70/EB og 1. mgr. 18. gr. tilskipunar 2009/28/EB hafi verið uppfyllt.

*2. gr.*

Ákvörðunin gildir í fimm ár frá gildistöku hennar. Ef gerðar eru breytingar á efni áætlunarinnar, eftir samþykkt á þessari

ákvörðun, sem kunna að hafa áhrif á grundvöll þessarar ákvörðunar, skal tilkynna framkvæmdastjórninni um breytingarnar án tafar. Framkvæmdastjórnin leggur mat á tilkynntar breytingar með það fyrir augum að ákvarða hvort áætlunin taki enn með fullnægjandi hætti til viðmiðana um sjálfbærni sem liggja að baki viðurkenningu hennar.

Ef sýnt hefur verið fram á það með skýrum hætti að áætlunin hafi ekki komið til framkvæmda þáttum sem hafa afgerandi þýðingu fyrir þessa ákvörðun og ef alvarlegt rof hefur orðið í uppbyggingu þessara þátta getur framkvæmdastjórnin felld þessa ákvörðun úr gildi.

*3. gr.*

Ákvörðun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 23. nóvember 2012.

*Fyrir hönd framkvæmdastjórnarinnar,*

José Manuel BARROSO

*forseti.*